



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

113. Instantibus Procuratoribus &c. Decretum de Ejectis, & Ejiciendis,
auctoritate Sanct. D. N. Innocentii PP. XII. editum die prima Martii 1693

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

literasque testimoniales gratis concedendas obtentæ absolutionis, dispensationis, condonationis, remissionis, ac impunitatis habere procurent. Iis verò, qui ad aliam Religionem transire voluerint, competens terminus quatuor mensium à die obtentæ absolutionis inchoandus ad inveniendos benevolos Receptores concedatur ab eo, à quo reconciliati fuerint; quo termino durante, sub obedientia, directione, & respectivè Jurisdictione illius Ordinarii, sive alterius ex prædictis Superioribus, cui se præsentaverint, ne vagi discurrant, remanere debeant, eoque elapso, nec alio benevolò Receptore invento, statim ad propriam Religionem redire teneantur, alias habeantur pro Apostatis recidivis, & subjectis eisdem pœnis contra Apostatas per Sac. Canones, Constitutiones Apostolicas inflictis. Irregulares autem ex aliis delictis præter expressa, iisdem Irregularitatibus remaneant obnoxii, nisi postea ab Apostolica Sede ob correctos, & emendatos maximè mores, secundum Ordinarios, & proprii cujusque Ordinis Superiorum attestata tiones, fuerint dispensati. Agnoscant autem Apostatæ, & Fugitivi ita reconciliati, juxtà monita Sanctorum Patrum, quàm diuturnam, acerbamque pœnitentiam, secundum Sac. Canones, agere oporteret pro tot, tantisque sceleribus, studeantque ingenti contritione, fletu, & planctu, aliusque animi, corporisque macerationibus, se ad veniam, largiente Domino, disponere, ut absolutionem à censuris, dispensationem respectivè ab Irregularitatibus, & absolutionem peccatorum Sacramentalem dignè, & salubriter consequi valeant. Deinde verò haud statim, sed interposita convenienti mora, ac prævia novæ vitæ conversatione, veterum peccatorum reliquias per actus veræ pœnitentiæ eluere saragant, priusquam Eucharistiæ Sacramentum sumant, vel ad Ecclesiasticos Ordines administrandos ii, qui super Irregularitate dispensati fuerint, accedant. Sic autem reconciliatos, si ad propriam Religionem revertantur, illorum Superiores benignè recipiant, ac paternè, & charitativè amplectantur, & tractent, ac nisi alia crimina, præter Apostasiam à Religione, vel à Fide Catholica in hæresim, & violationem censurarum, ut præfertur, patravissent, juxtà eorum pœnitentiæ fructus, & merita, etiam ad honores, gradus, locum, & voces restituant, eisdem à nemine objugata antea vitæ memoria, circa quos, ut S. Gregorius monet, sit amor sed non emolliens, sit rigor, sed non exasperans, sit zelus, sed non immoderatè sæviens, sit pietas, sed non plusquam expediat, parcens. Quoad illos verò, qui ad aliam Religionem etiam laxiorem transire voluerint, eadem Sacra Congregatio hortatur in Domino Ordinum Superiores habentes facultatem recipiendi ad habitum, & professionem, ut eos recipiant, & post peractum probationis annum, ad professionem admittant, ad quem effectum Sanctissimi Domini Nostri Papæ auctoritate Superioribus cunctis necessarias omnes facultates impertitur, derogando omnibus Constitutionibus tam Apostolicis, quàm proprii cujusque Ordinis, ac si de eis hic expressa mentio facta esset. Datum Romæ die 24. Julii 1694.

G. Card. Mariscottus Pro-Prefectus.

Loco ✠ Sigilli.

R. Pallavicinus Sac. Congr. Concilii Secr.

Die 30. Julii 1694. Supradictum Decretum affixum, & publicatum fuit ad valvas Curie in Acie Campi Floræ, ac aliis locis solitis, & consuetis Urbis per me Sebastianum Vasallum SS. D. N. Papæ Cursorem.

Pro Domino Magistro Curforum
Gregorius Staggus Apost. Curf.

Decretum de Ejectis, & Ejiciendis, auctoritate Sanctissimi D. N. INNOCENTII PP. XII. editum die prima Martii 1693.

CXIII.

Instantibus Procuratoribus Generalibus Religioforum Ordinum pro moderatione Decretorum de Apostatis, & Ejectis editorum à Sacra Congregatione Concilii, & à san. mem. Urbano Papa VIII. anno 1624. confirmatorum, ut facilius modus Incorrigibiles ejiciendi præscribatur, Sacra Congregatio à Sanctissimo Domino Nostro INNOCENTIO PAPA XII. super præmissis particulariter deputata Eminentissimorum S. R. E. Cardinalium Carpinei, Casanate, Mariscotti, de Norfolkia, de Laurea, de Aguirre, & Colloredi, perpensis eorumdem Procuratorum Generalium votis, ne consortio morbidarum peccudum cætera corrumpantur, & remedia hucusque ad sanitatem oblata malè affectis officiant magis, quam prosint, maturo examine, zelo Regularis disciplinæ conferenda, censuit, statuit, & auctoritate ejusdem Sanctissimi Domini Nostri sibi specialiter attributa, hæc imposuere servanda decrevit.

Mitigatur forma alia præscripta sub Urb. VIII. pro ejiciendis Regularibus incorrigibilibus.

I. Quod nimis, ac in suo robore semper manentibus prædictis Decretis de Apostatis, etiam secundum eam partem ubi agitur de Ejectis, & Ejiciendis, tamquam Sacris Canonibus, & communiori SS. Patrum menti conformibus quoad Ejectos eadem servantur, quæ in alio simili Decreto hac præsentis die emanato de Apostatis, & Fugitivis statuta sunt, & indulta; Quòdque ad præscriptam legem san. mem. Gregorii IX, in C. final de Regul. annuatim Fugitivi requirantur, & respectivè cogantur ad Claustra reverti.

II. Quod annus integer, qui in prædictis Decretis anni 1624. præscribitur in penitentia, & jejunio ad ejiciendos Incorrigibiles, ad sex tantum menses continuos in posterum coarctetur, & restringatur.

III. Quod facultas Generalibus Ordinibus de consilio, & assensu sex ex gravioribus Religiosis in singulis Capitulis, Congregationibus Generalibus ad Causas Ejiciendorum eligendis, attributa; extendatur etiam ad quoscumque Provinciales, qui electis pariter in Congregationibus Provincialibus sex gravibus ex propria Provincia Religiosis à Generali confirmandis, de illorum consilio, & assensu Causas hujusmodi cognoscant, & ad effectum ejiciendi Incorrigibiles suæ Provinciæ, & Ejectionem pronuntiandi, accedente approbatione Generalis, definiant, salva semper Sanctæ Sedis, & S. Congregationis Concilii in casu recursum, & appellationis auctoritate.

IV. Quòd in posterum Processus conficiantur juxta Regulas, Constitutiones, Ordinationes, & Stylum cujusque Ordinis, & Religionis, donec aliter fuerit à Sacra Congregatione provisum.

V. At quia nimia sine defectu facilitas recipiendi quoscumque Religionis ingressum petentes, & à Religione forsitan alienos, duram satis tractu temporis necessitatem parit eosdem à Claustris ejiciendi, ne hujusmodi semina, quæ à principio ad fructum faciendum cadunt in terram bonam, paulatim contaminata inordinatis moribus usque ad incorrigibilitatem succrescant in paleas, eadem Sacra Congregatio, annuente Sanctissimo Domino Nostro sub interminatione Divini Judicii, nec non privationis vocis activæ, & passivæ, ac Dignitatum, & Officiorum obtentorum, cum inhabilitate ad eadem imposterum obtinenda, quibuscumque prædictorum Ordinum Superioribus districtè præcipit, & mandat, omnia, & singula Decreta san. mem. Clementis VIII. registrata post Decretum san. mem. Urbani VIII. de Apostatis, & Ejectis incipiens Regularis San-

ctissimus,

Assimus, & Nullus, unâ cum aliis subsequentibus Decretis, provisionibus, ordinationibus, & respectivè moderationibus, bis in anno legi, eadem ad unguem servari, pœnas in eisdem contentas innovari, & Capitibus Ordinum intimari, ne hujusmodi Decretorum transgressores, qui in lege gloriantur, per prævaricationem legis Deum inhonorent; & ne militiæ Christi adscripti tam de facili fiant desertores, ac profugi.

Datum Romæ die 24. Julii 1694.

G. Card. Mariscottus Pro-Præfectus.

Loco ✠ Sigilli.

R. Pallavicinus Sac. Congr. Conc. Secr.

Die 30. Julii 1695. Supradictum Decretum affixum, & publicatum fuit ad valvas Curie, in acie Campi Floræ, ac in aliis locis solitis, & consuetis Urbis, per me Sebastianum Vasellum SS. D. N. PP. Curforem,

Pro D. Mag. Curs. Gregorius Staggius
Apost. Curs.

CXIV.

Novus, & peremptorius terminus Apostatis, Fugitivis, & Ejectis à Sanctissimo Domino Nostro INNOCENTIO PAPA XII. concessus.

Apostatis prorogatur terminus ad redeundum.

Sanctissimus Dominus Noster Innocentius Papa XII. Apostolica commiseratione motus, Apostatis, sive à Fide, sive à Religione, & Fugitivis, vel Ejectis, qui post decretum editum die 31. Julii anni 1694. adhuc profugi, & contumaces perseveraverint, vel idem Decretum quoquo modo ignoraverint, vel benevolos receptores nondum invenerint, novum hoc Decreto ad alios sex menses à die publicationis ejusdem decurrendos absque spe ulterioris prorogationis, & novi termini, concessit terminum, intra quem miserante Domino salubriter sibi consulere possint. Datum Romæ die 6. Augusti 1695.

Die 14. Augusti 1695. Supradictum Decretum affixum, & publicatum fuit ad valvas Curie, & in acie Campi Floræ, ac ad valvas Magnæ Curie in Monte Ciratorio, ac in aliis locis solitis, & consuetis Urbis per me Thomam Orlandum ejusdem Sanctiss. D. N. Pape Curforem.

CXV.

Novus, & peremptorius terminus Apostatis, & Fugitivis à Sanctissimo Domino Nostro INNOCENTIO XII. concessus.

Alia Prorogatio.

Sanctissimus Dominus Noster Innocentius Papa XII. Apostolica commiseratione motus, Apostatis, sive à Fide, sive à Religione, & Fugitivis dumtaxat, qui ante Decretum editum die 31. Julii Anni 1694. apostataverint, ac post dictum Decretum, & prorogationem sex mensium concessam die 14. Augusti 1695. adhuc profugi, & contumaces perseveraverint, vel idem Decretum, ac prorogationem quoquo modo ignoraverint, aut benevolos Receptores nondum invenerint, novum hoc Decreto ad alios sex menses à publicatione ejusdem decurrendos, absque spe ulterioris prorogationis, & novi termini, concessit terminum, intra quem, miserante Domino, salubriter sibi consulere possint. Datum Romæ hac die 15. Decemb. 1696.

J. Card. Sacripantes Sac. Congr. Concil. Præf.

F. Nuprius Sac. Congr. Concil. Secr.

Die 14. Decembris 1696.

Supradictum Decretum affixum, & publicatum fuit ad Valvas Magnæ Curie Innocentianæ, in acie Campi Floræ, ac aliis locis solitis, & consuetis Urbis per me Thomam Orlandum Apost. Curforem.

NOTIFICATIONE.

PER parte dell'Illustriss. & Reverendiss. Monsign. Carlo de Marini Protonotario Apostolico dell'una, e l'altra Signatura Referendario, e della Reverenda Camera Apostolica Generale Auditore, Si notifica essere mente precisa di Nostro Signore comunicatagli à bocca, che per occasione della presente andata, che la Santità Sua è per fare à Nettuno, non si sospenda in alcuno de Tribunali l'Amministrazione della Giustizia, mà si facciano da per tutto le solite funzioni, e tutto quello che si farebbe, se Sua Beatitudine fosse presente. Dalla Curia Innocentiana, questo di 20. Aprile 1697.

Carlo de Marini A. C.

DECRETUM GENERALE.

CUM Sac. Rituum Congregationi innotuerit quamplures abusum irrepsisse circa recitationem Officii sub prætextu Decreti ab eadem Congregatione evulgati de Anno 1630. & in Breviario Romano impressi, in quo permittitur posse in Ecclesia recitari Officia, & Missas celebrari de illis Sanctis, quorum Corpora, aut Reliquiæ insignes in ea asseruntur: Eminentissimi Patres eidem Sac. Congreg. Præpositi iisdem abusibus evellendis præcipue intenti, inhærendo Decretis aliis in similibus editis, declararunt prædicta Officia Sanctorum ratione Corporis, seu insignis Reliquiæ recitanda, intelligi debere de Sanctis dumtaxat in Martyrologio Romano descriptis, & dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: De cæteris autem Sanctis in prædicto Martyrologio non descriptis, aut quibus à Sancta Sede non fuerit specialiter concessum, Officia recitari, & Missas celebrari, vetuerunt, non obstante, quod ipsorum Corpora, vel insignes Reliquiæ in Ecclesiis asseruntur: Quibus tamen ab Ordinariis locorum approbatis debitam Fidelium venerationem (prout hæctenus servatum est) exhibendam esse censuerunt, sed absque Officio, & Missa, sub pœnis de non satisfaciendo præcepto recitandi Officium, aliisque in Constitutione B. Pii V. contentis, Die 11. Augusti 1691.

Et facta de prædictis Sanctissimo per me Secretarium relatione, Sanctitas Sua hujusmodi Decretum approbavit, ac, ut debite executioni demandetur, locorum Ordinariis injungendum esse præcepit. Die 19. Octobris ejusdem Anni 1691.

A. Episc. Ostien. Card. Cybo.

Loco ✠ Sigilli.

J. Vallemanus Sac. Rit. Congr. Secret.

DECRETUM.

ET si secundum regulas Breviarii Romani cum plura Festa æqualia in ritu transferenda sunt, unum ante aliud transferri debeat eo ordine, quo erant celebranda propriis diebus; at tamen quia Anno 1690. ab hac Sac. Rituum

CXVI.

Tribunalia continent etiam proficifcente Pontifice Neptunum.

CXVII.

Reliquiarum titulo celebrari nequeunt Missa, & Officium si non sint de Sanctis descriptis in Martyrologio.

CXIX.

De Festivitate Annunciationis occurrente in majori Hebdomada.

Congre-